

Na osnovu člana 13. stav 2. alineja 17. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06) i člana 24. Statuta Općine Donji Vakuf ("Službeni glasnik Općine Donji Vakuf", broj 1/08) Općinsko vijeće Donji Vakuf na 12. redovnoj sjednici održanoj 22.02.2010. godine, d o n o s i

O D L U K U

o izmjeni i dopuni Poslovnika o radu Općinskog vijeća Donji Vakuf

Član 1.

U Poslovniku o radu Općinskog vijeća Donji Vakuf ("Službeni glasnik Općine Donji Vakuf", broj 5/08) u članu 17. mijenja se i glasi:

Na kraju stava 1. "tačka" se briše i stavlja "zarez" a iza zareza dodaju se riječi "koji se biraju iz reda vijećnika".

Sadašnji stav 2. u cijelosti se briše, a na njegovo mjesto stavlja se sadašnji stav 4. koji postaje stav 2., a stav 3. ostaje isti.

Član 2.

U članu 23. u stavu 3. u prvom redu iza riječi "iz člana", broj "21" mijenja se u "22", ostalo ostaje isto.

Član 3.

U članu 25. stav 1. iza alineje 1. dodaje se zarez, alineja 2. ostaje ista, s tim da se na kraju alineje briše slovo "i" i dodaje "zarez", potom dodaje nova alineja 3. i 4., a sadašnja alineja 3. postaje alineja 5.

Alineja 3. glasi: "- predsjednik kluba nezavisnih vijećnika,".

Alineja 4. glasi: "- predstavnik vijećnika iz parlamentarnih stranaka koje nemaju Klub vijećnika i".

Član 4.

U članu 27. u stavu 6. umjesto tačke stavlja se zarez i riječi „ koji se dostavlja članovima kolegija“.

Član 5.

Član 30. mijenja se i glasi :

„Pilikom imenovanja radnih tijela vijeća vodit će se računa da se ista u najvećoj mogućoj mjeri formiraju iz reda vijećnika odgovarajuće stručne spreme.

Ukoliko se radna tijela vijeća ne mogu formirati na način iz predhodnog stava vanjski članovi radnih tijela će biti imenovani na osnovu javnog poziva.“

Član 6.

Član 34. stav 1. mijenja se i glasi:

"Radna tijela obrazuju se prema stranačkom sastavu Vijeća, proporcionalno izbornim rezultatima."

Stav 2. i 3. ostaju isti.

Član 7.

U članu 39. dodaje se nova alineja :

- predlaganje općinskom vijeću kriterija za izbor članova radnih tijela i provođenje postupka izbora članova;

- u saradnji sa JU Dom kulture, provodi aktivnosti na obilježavanju značajnih datuma koji se obilježavaju u organizaciji Općine Donji Vakuf.

Član 8.

U članu 46. u stavu 1. riječi "najmanje jednom mjesečno" zamijenjuju se riječima "najmanje jednom u dva mjeseca“.

Član 9.

U članu 75. stav 1. iza riječi "snima" dodaje se "zarez" potom slijede riječi "reemituje na RTV Donji Vakuf s tim da se ne ometa ili ugrozi programska šema RTV-a."

Član 10.

U članu 130. u drugom redu iza riječi "tajnim glasanjem" briše se

"zarezu" i stavlja "tačka", a riječi "ukoliko vijeće ne odluči drugačije" brišu se.

Član 11.

Odluka stupa na snagu danom objavljivanja u „Službenom glasniku Općine Donji Vakuf“.

Broj: 01-05-573/10
Donji Vakuf, 22.02.2010. godine

Predsjedavajući općinskog vijeća
Talić Hajrudin s.r.

(objavljeno u "Službenom glasniku Općine Donji Vakuf", broj 2/10)

Na osnovu člana 13. stav 2. tačka 17. Zakona o principima lokalne samouprave u Federaciji BiH ("Službene novine Federacije BiH", broj 46/06), člana 24. stav 1. tačka 30. Statuta Općine Donji Vakuf ("Službeni glasnik Općine D.Vakuf", broj 1/08) i člana 76. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08 i 2/10), Općinsko vijeće Donji Vakuf, na 15. redovnoj sjednici održanoj 29.04.2010. godine, donosi

O D L U K U

o izmjenama i dopunama Poslovnika o radu Općinskog vijeća Donji Vakuf

Član 1.

Iza člana 5. dodaje se član 5.a) koji glasi:

„Ukoliko izabrani nosilac mandata, u toku trajanja mandata istupi iz političke stranke, koalicije ili liste nezavisnih kandidata koja je učestvovala na izborima i na čijoj je kandidatskoj listi bio izabrani nosilac mandata, postaje samostalni vijećnik.

Izabrani nosilac mandata postaje samostalni vijećnik, kada se usmeno na sjednici Vijeća izjasni da postaje samostalni vijećnik ili kada izjavu da postaje samostalni vijećnik u pisanoj formi dostavi predsjedavajućem Općinskog vijeća.“

Član 2.

U članu 19. stav 3. mijenja se i glasi:

„Vijećnici dvije ili više političkih stranaka koji u Vijeću imaju najmanje jednog izabranog vijećnika, kao i samostalni vijećnici i nezavisni kandidati, pod uslovom iz stava 2. ovog člana, mogu formirati samostalni ili zajednički klub ili pristupiti nekom od klubova.“

Član 3.

U članu 22. iza alineje 7. dodaju se nove alineje 8., 9., 10. i 11. koje glase:

„- naredbodavac u oblasti finansijsko-materijalnog poslovanja poslovanja Vijeća,

- potpisuje nalog za službena putovanja vijećnicima, zamjeniku predsjedavajućeg, sekretaru Vijeća, kao i naloge načelniku za službena putovanja u inostranstvo,

- koristi reprezentaciju u mjesečnom iznosu predviđenom posebnom odlukom Općinskog vijeća,

- raspoloža sa pravom na službeni mobitel sa ograničenom mjesečnom potrošnjom utvrđenom odlukom Općinskog vijeća,“

Dosadašnja alineja 8. postaje alineja 12.

Član 4.

Iza člana 22. dodaje se novi član 22.a) koji glasi:

„Ured predsjedavajućeg Općinskog vijeća je u zgradi općinske uprave sa adekvatnim uredom i svom pratećom opremom za funkcionisanje.

Funkcija predsjedavajućeg je počasna a može biti i profesionalna ukoliko Vijeće iskaže potrebu.

Predsjedavajući u vršenju počasne funkcije predsjedavajućeg nema pravo na platu.

Predsjedavajući u vršenju profesionalne funkcije predsjedavajućeg ima pravo na platu i sve zakonske prinadležnosti. Visinu plaće određuje Općinsko vijeće posebnom odlukom.

Član 5.

U članu 24. stav 2. mijenja se i glasi:

„Sekretar Vijeća odgovoran je za obezbjeđenje, pripremu i izvršavanja

naloga predsjedavajućeg“.

Član 6.

U članu 34. na kraju stava 2. iza riječi „političkih stranaka“ stavlja se „zarez“ i dodaju riječi: „samostalnih i nezavisnih klubova“, ostalo ostaje isto.

Član 7.

U članu 39. mijenja se stav 1. koji glasi:

„Komisija za izbor i priznanja sastoji se od po jednog predstavnika svake političke stranke, predstavnika samostalnih vijećnika i predstavnika nezavisnih vijećnika zastupljenih u Vijeću i razmatra pitanja koja se odnose na:“

Član 8.

„Odluka stupa na snagu danom objavljivanja u „Službenom glasniku Općine Donji Vakuf“.

Broj: 01-05-1247/10
Donji Vakuf, 29.04.2010. godine

Predsjedavajući općinskog vijeća
Mehdić Dževad s.r.

(objavljeno u "Službenom glasniku Općine Donji Vakuf", broj 4/10)